


Lès 6 pa Novèmber 8, 2025

E ENEMIGU PADEN







" Ami Señor ta
skudriñá e
kurason i ta
saminá e mente,
pa duna na kada
hende segun su
kondukta, segun
e fruta di su
echonan"

Jeremias 17:10, ESV

Despues di un táktika militar ilógiko, e murayanan di Jeriko a kai. Israel a drenta e stat i bash'é abou na suela. Viktoria! Di ken? Di Dios, pasombra Israel tabatin poko di hasi ku esaki.

Despues di un táktika militar bon pensá, Ai a gana. Derota! Dor di ken? Dor di e pueblo di Israel, pasombra nan no a konta riba Dios.

Ora ku finalmente nan a kuestioná Dios, e kontesta tabata resonante: Israel a peka i no por derotá su enemigunan mas. Kon esaki lo por rekuperá fabor divino?



-  **E kousa di e derota (Josue 7:1-5, 10-13)**
-  **Desanimá(deskurashá) i afligí (Josue 7:6-9)**
-  **Deskubriendo e transgresor (Josue 7:14-19)**
-  **Akan su piká (Josue 7:20-26)**
-  **Viktorioso Atrobe (Josue 8:1-29)**


E KOUSA DI E DEROTA

" Israel a peka; nan a viola(transgresá) Mi aliansa, kual Mi a ordená nan pa warda. Nan a kohe algun di e kosnan dediká; nan a hòrta, nan a gaña, nan a pone nan huntú ku nan propio pertenensianan "
(Josue 7:11)

Despues di e rapòrt(relato) faborabel fo di e spionnan mandá na Jeriko, Josué a konsultá ku Dios i a risibi di djÉ e strategia pa tuma e stat.


Si, despues di a risibi e rapòrt for di e spionnan mandá na Ai, i Josué a hasi meskos, e mortonan di 36 hende lo a wòrdu evitá. (Josue 7:1-5).

Pero kiko tabata e motibu real pa e derota, òf kiko lo por tabata e motibu pa Dios bisa Josué pa no ataká Ai (Josue 7:11)?



Dios a mira ku " Israel a peka." Ningun kaminda den e Beibel piká a wòrdu deskribí ku asina gradonan di diferensia : " nan a violá... nan a tuma... nan a hòrta... nan a gaña ... nan a pone nan ku nan propio pertenensianan."

Nota e plural. E piká a wòrdu kometé dor di un hende, pero Dios a tene e pueblo kompleto responsabel. Nan a kibra e aliansa; piká mester a wòrdu saká asina ku esaki lo por wòrdu restorá.



DESANIMÁ I AFLIGÍ

" Y Josué a bisa, ' Ah, Señor Soberano, pakiko Bo a yega di trese e pueblo aki na e otro banda di Jordan pa entregá nos den e mannan di e Amoreonan pa destruí nos? Si solamente nos lo tabata kontentu pa keda na e otro banda di e Jordan!' " (Josue 7:7)



Josué i e ansianonan tabata desanimá dor di e derota na Ai, i nan a demostrá señalnan kla di lamentashon (Josue 7:6).

Josué e ora ei ta reakshoná ku un mal beis similar na Israel su reakshon ku a wòrdu ripití durante di nan 40 aña di dualmentu: " Pakiko Bo a trese nos na e otro banda ...? Si solamente nos lo tabata kontentu pa keda...!" (Josue. 7:7).

Sinembargo, Josué su spiritu no tabata meskos ku esun di e Israelitanan den e desierto. Su keho no tabata motivá dor di desapuntashon, pero dor di temor ku Dios Su nòmber lo wòrdu desonrá entre e Gentilnan (Josue 7:8-9).

El a mira klaramente ku Dios Su karakter lo wòrdu interpretá dor di inkredulanan basá riba kon Su pueblo a aktua. Awe nos ta sigui di ta Dios Su testimonio den e mundu. Ki un gran responsabilidad!



DESKUBRIENDO E TRANSGRESOR

" Den mainta, presentá boso mes segun boso tribunan. E tribu ku Señor ta skohe lo bini dilanti tribu pa tribu; e sekta(famia) ku Señor ta skohe lo bini dilanti famia pa famia; i e famia ku Señor ta skohe lo bini dilanti hòMBER pa hòMBER." (Josue 7:14)

Pa kita piká kombiná (e kulpa di e pueblo kompleto), e pekador mester a wòrdu eliminá (Josue 7:15). Eliminá? E lo no wòrdu pordoná si el a repentí? Naturalmente é lo haña! Pero Akan no a mustra ningun señal di repentimentu (i é tabatin hopi oportunitat pa hasi asina).



E proseso di investigashon a wòrdu anunsiá i posponé te na e siguiente dia (Josue 7:14-15)

Akan a keda ketu

E tribu di Juda a wòrdu tumá (Josue 7:16)

Akan a keda ketu

E famia di Zera a wòrdu tumá (Josue 7:17a)

Akan a keda ketu

E lider Zabdi a wòrdu tumá (Josue 7:17b)

Akan a keda ketu

Akan a wòrdu tumá (Josue 7:18)

Akan a keda ketu

Reflehando kariño i amor divino, Josué a pidi Akan pa konfesa su piká (Josue 7:19).

Akan su kaso tabata pèrdí. El a konfesa, pero é no a pidi pa pordon (Josue 7:20). Tòg Dios a lamentá riba su duresa di kurason, demonstrá den tur yamada na repentimentu.





AKAN SU PIKÁ

“ Ora ku mi a mira den e botin un mantel bunita for di Babilonia, dos shen siklo di plata i un bara di oro ku un peso di sinkuenta siklo, mi a kudishá nan i a kohe nan. Nan ta skondí den e tera den mi tèt, ku e plata bou di djé ” (Josue 7:21 NIV)

Josué a bisa Akan pa duna gloria na Dios i konfesá su piká (Josue 7:19). Esaki tabata su último chènens. Si, ora ku el a konfesá, el a pidi pa pordon... Pero é no a hasié, i no tabatin ningun pordon p'é (Num. 15:30-31).

Manera Eva, Akan “ a mira,” “ a desea,” i “ a kohe,” i su piká a afektá hopi (Gen. 3:6). Manera Ananias i Safira, Akan a kohe algun di e kosnan maldishoná dediká na Dios i a paga pa nan (Echonan 5:1-2).

E desishonnan ku Akan a tuma na Jeriko tabata diametrikamente oponé na esnan di Rahab:

Rahab

El a skonde e spionnan riba e dak

El a aktua kariñoso pa ku Israel

El a faboresé viktoria pa motibu di su fe

El a sera un aliansa ku Israel

El a libra su bida i esun di su famia

Akan


El a skonde e botin den e tera

Esaki a trese tròbel na Israel

El a kousa derota dor di su trabounan


El a kibra e aliansa di Israel

El a muri ku su famia



VIKTORIOSO ATROBE

" E ora ei Señor a bisa na Josué, ' No tene miedu; no sea desmayá. Hiba henter e ehérsito ku bo, i bai i ataká Ai. Pasombra Mi a entregá den bo mannan e rei di Ai, su pueblo, su stat i su tera.' " (Josue 8:1)



Manera na Jeriko, Dios a provee Josué ku e strategia pa gana viktoría riba Ai (Josue 8:1-2).

Durante di e anochi, un trampa a wòrdu kuminsá tras di e stat. Mainta tempran, e ehérsito a aserká Ai i a pretendé di ta hui nan dilanti atrobe.

Manera Moisés a hisa su bara te ora ku é tabatin viktoría riba e Amalekitanan, na Dios Su mandato, Josué a lanta su “ arma” (probabelmente un spada huzá dor di e Egipsionan), i manten’ é hisá te ora ku é tabatin viktoría kompleto (Josue 8:18-22, 26).

Dios un bes mas atrobe tabata duna viktoría na Su pueblo. E Vaye di Akor, kaminda Akan I su famia a wòrdu ehekutá, a habri e porta na viktoría, un “ porta di speransa ” (Oseas 2:15).

Ora ku nos aseptá pordon divino pa medio di fe, Dios ta dera nos piká na Akor, i ta habri e porta na speransa.



“ E influensia pa wòrdu mas tantu temé dor di e Iglesia no ta esun di opositornan habrí, inkrédulonan, i blasfemadónan, pero di profesornan inkonsistente di Kristu. Esakinan ta esunnan kende ta tene atras e bendishon di e Dios di Israel i ta trese debilidat riba e Iglesia, un reproche ku no ta wòrdu limpiá fasilmente...

Kristianismo no ta pa djis wòrdu parandiá riba e Sabat i ekshibí den e santuario; esaki ta pa tur dia den e siman i pa tur lugá. Su demandanan mester wòrdu rekonosé i obedesé den e lugá di traha, na kas, i den transakshonnan di negoshi ku rumannan i ku e mundu...”